



**GARBITANIA ZERO ZABOR S.M.k BERE JARDUEREN GAINEKO AUDITORIA ZERBITZUAK
BURUTZEKO KONTRATUA**

Hernanin, 2020ko urtarrilaren 7an,

AGERTU DIRA

Alde batetik, ENERITZ GURRUTXAGA GOGORTZA andrea, GARBITANIA ZERO ZABOR S.M.ko kudeatzailea eta NAN zka. 44.145.740T duena,

Bestetik, FELIPE GOROSTEGUI ITURRIOZ jauna, NAN zka. 72.569.643C duena, ZUBIZARRETA CONSULTING S.L.ren ordezt

ESKU HARTZEN DUTE

ENERITZ GURRUTXAGA GOGORTZA andreak, bere karguarengatik GARBITANIA ZERO ZABOR S.M.ren izenean; kontratuaren esleipen honetarako baimendua dagoelarik Administrazio Kontseiluak 2019ko apirilaren 12an egindako bilkuran hartutako erabakiaren bidez.

FELIPE GOROSTEGUI ITURRIOZ jaunak enpresaren izenean eta ordezt; (enpresa honen helbidea Prim 28, Entlo Izq., PK 20006 Donostia (Gipuzkoa) eta IFK zka. B01104488) enpresak Fernando Ramos Alcázar Notarioaren aurrean 1991ko maiatzaren 24an esleitutako botereen arabera, protokolo zka. 1.831.

Bi aldeek kontratu hau egiteko nahikoa lege-gaitasun aitortzen diote elkarri, eta horretarako,

AZALDU DUTE

Aurrekari administratiboak

Kontratazio espedientea, aurrekontua eta Administrazio Klausula Partikularren eta Baldintza Teknikoen Agiriak 2019ko urriaren 4an egindako bilkuran onartu zituen Garbitania Zero Zabor S.M.ko Administrazio Kontseiluak. Baldintza agiri horien kopiak kontratuaren osagai gisa sartzen dira.

Administrazio Kontseiluak, 2019ko abenduaren 12an burutu bilkuran, Zubizarreta Consulting S.L. izan dela aurkeztutako eskaintzarik onena eta harek lortutako puntuazioa ezagutu zuen. Enpresak, baldintza guztiak betetzen zituela ikusita aipatu enpresari kontratua esleitzea erabaki zuen.


Enpresa horrek zerbitzua eman ahal izateko baimen guztiak izan eta jakinarazi zaionetik 10 laneguneko epean eskatzen den bermea eratu du. Bermearen zenbatekoa: 963,75€.

XEDAPENAK

- 1.- ZUBIZARRETA CONSULTING S.L. enpresak ikuskaritza zerbitzua emango dio Garbitania Zero Zabor S.M.ri, zorrotz betez Administrazio Klausula Partikularren Agirian eta Baldintza Teknikoen Agirian, baita kontratistaren proposamenean dauden zehaztasunak ere.
- 2.- Garbitania Zero Zabor S.M.k aipatu enpresari, Administrazio Klausula Partikularren Agiriaren 7. klausulan zehaztutako eran eginiko eskaintzaren arabera ordainduko dio, 6.425€/zerbitzuaren urteko tarifa kontzeptuan, gehi 1.349,25€ %21ko BEZari dagozkionak.
- 3.- Kontratu honek hiru urteko iraupena izango du.
- 4.- ZUBIZARRETA CONSULTING S.L.-k hirugarrenentzako aseguruua du, kalteak estaltzen dituena inolako fidantzarik gabe. Hortaz, ezingo dio Garbitania Zero Zabor S.M.ri inputatu inolako zordunketa gehigarriarik ibilgailuari eragindako kalteengatik, betiere aseguru-etxeak onartutako kalteak badira.
- 5.- Bi aldeak daude beharturik kontratu hau betetzera, baita Administrazio Klausula Partikularren eta Baldintza Teknikoen Agiria eta esleipendunaren proposamenean dauden zehaztasunak; eta horietan ezarri gabeko guztian, azaroaren 8ko SPKL (9/2017) ezarritakoa eta beste administrazio legeek ezarritakoa jarraituko da. Horrelakorik ezean, zuzenbide zibileko xedapenak aplikatuko dira.

Eta adostasunaren froga gisa, bi aldeek bi ale izenpetuko dituzte goian aipaturiko lekuan eta egunean

Felipe Gorostegui Iturrioz
ZUBIZARRETA CONSULTING S.L.



Eneritz Gurrutxaga Gogortza
GARBITANIA ZERO ZABOR S.M.

